

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK**

Broj: *01-04-163* /20
Banovići: 07.04.2020. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH“ broj 49/06), člana 43. Statuta općine Banovići („Službeni Glasnik općine Banovići“ broj: 2/20), Općinski Načelnik donosi:

P R A V I L N I K

ZA PODSTICAJ PROLJETNE SJETVE NA PODRUČJU OPĆINE BANOVIĆI ZA 2020. GODINU

1. Podaci o pravilniku

Pravilnik za podsticaj proljetne sjetve na području općine Banovići za 2020. godinu sa kriterijima raspodjele temelji se na odobrenim sredstvima za ovu namjenu u Budžetu općine Banovići za 2020. godinu sa pozicija:

- "Subvencije za potporu i promociju obrta poduzetništva i poljoprivrede" ekonomski kod 614 521.

2. Period realizacije pravilnika

Isplata podsticaja se odnosi na poljoprivrednu proizvodnju koja će se realizirati u toku 2020. godine – proljetna sjetva

3. Raspoloživi iznos sredstava

- "Subvencije za potporu i promociju obrta poduzetništva i poljoprivrede" ekonomski kod 614 521 iznosu od 100.000,00 KM

4. Namjena pravilnika

Podsticaji za proljetnu sjetvu na području općine Banovići za 2020. godinu

5. Korisnici pravilnika

Poljoprivredni proizvođači sa područja općine Banovići.

6. Izvor sredstava

- "Subvencije za potporu i promociju obrta poduzetništva i poljoprivrede" ekonomski kod 614 521.

UVOD

Pravilnikom za podsticaj proljetne sjetve na području općine Banovići za 2020. godinu, općina Banovići nastoji intenzivnije razviti proizvodnju merkatilnog kukuruza, graha, kako bi poljoprivredni proizvođači proizveli veće količine ovih proizvoda za vlastite potrebe i za potrebe tržišta, te na taj način obezbijediti egzistenciju sebi i svojoj porodici.

Pored ovog cilja postoje i drugi specifični ciljevi Pravilnika, a to su:

- ekonomsko jačanje poljoprivrede,
- uključivanje novih proizvođača,
- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa.

Članom 26. Zakona o poljoprivredi ("Službene novine FBiH", broj 88/07, 04/10, 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim rebalansom Budžeta Općine Banovići za 2020. godinu planirano 100.000,00 KM za podsticanje navedenih vrsta poljoprivrednih proizvodnji sa stavke "Subvencije za potporu i promociju obrta poduzetništva i poljoprivrede" ekonomski kod 614 521.

Ukoliko broj aplikacija na Javni poziv bude veći od planiranog i iznos sredstava nepohodan za isplatu veći od 100.000,00 KM sredstava planiranih ovim Pravilnikom, komisija je nadležana da izvrši proporcionalno umanjenje svih planiranih iznosa po dununu od iznosa planiranim budžetom za planirane stavke.

Pravilnikom za podsticaj proljetne sjetve na području općine Banovići za 2020. godinu podrazumijeva jednokratne isplate, za svakog poljoprivrednog proizvođača koji aplicira na Javni poziv.

Nakon usvajanja Pravilnika od strane Općinskog načelnika, Općinski načelnik će raspisati Javni poziv sa kriterijima koji moraju biti ispunjeni da bi podsticajna sredstva bila odobrena.

Pri izradi Pravilnika za 2020. godinu uvažena je analiza stanja poljoprivrednih gazdinstava uzrokovanih proglađenjem stanja nesreće zbog opasnosti od dženja zarazne bolesti uzrokovane koronavirusom (COVID-19) na području općine Banovići.

Na osnovu navedenih analize sačinjen je Pravilnik za podsticaj proljetne sjetve na području općine Banovići za 2020. godinu.

I NAČIN OSTVARIVANJA PODSTICAJA I POTREBNA DOKUMENTACIJA

Novčane podsticaje za podsticaj proljetne sjetve na području općine Banovići za 2020. godinu poljoprivredni proizvođači ostvaruju na način da prijave na javni poziv za proljetnu sjetvu.

Način prijave:

Aplikant – poljoprivredni proizvođač će se prijaviti putem službene email adrese općine Banovići info@banovici.gov.ba, ili pozivom na broj 035 743 446 dostavljajući pri tome sljedeće podatke:

- ime i prezime,
- datum i godina rođenja,
- adresu prebivališta,
- kulturu koju je zasijao ili namjerava zasijati,
- broj katastarske čestice i katastarsku općinu parcele,
- površinu koju je zasijao ili namjerava zasijati,
- kontakt telefon.

Služba za prostorno uređenje, planiranje, razvoj i poduzetništvo(u daljem tekstu Služba) će kreirati e-obrazac za prijavu koji će se moći preuzeti na zvaničnoj web stranici općine Banovići.

Ukoliko aplikant ne zna broj parcele i katastarsku općinu potrebno je da navede mjesnu zajednicu u kojoj se parcele nalaze. Takođe u obzir će se uzimati prijave bez obzira na vlasništvo parcele.

Novčane podsticaje mogu ostvariti poljoprivredni proizvođači, koji:

- imaju prebivalište na području općine Banovići,
- posjeduju poljoprivredno zemljište na području općine Banovići ili koriste tuđe zemljište,
- izvršili su sjetvu ili namjeravaju izvršiti sjetvu, merkatilnog kukuruza, graha na otvorenom prostoru u proljeće 2020. godine

Komisija, po Javnom pozivu i dostavljenim prijavama utvrđuje činjenično stanje, te za one proizvođače koji ispunjavaju propisane kriterije obračunava visinu novčanih podsticaja.

Prijedlog za isplatu dostavlja Općinskom Načelniku koji donosi Odluku o isplati novčanih sredstava za podsticaj.

Podsticajna sredstva će biti uplaćena na račun korisnika, otvoren kod poslovnih banaka.

Ukoliko Komisija utvrdi da podnosilac zahtjeva ne ispunjava kriterije za ostvarivanje podsticaja predmet se odbacuje.

II SVRHA PRAVILNIKA

Svrha Pravilnika je:

- intenziviranje poljoprivredne proizvodnje,
- značajnije korištenje poljoprivrednog zemljišta,
- povećanje obradivih površina,
- zadovoljavanje potreba domaćeg tržišta vlastitim proizvodima,
- ruralni razvoj.

III IZNOS SREDSTAVA ZA PODSTICAJ SA KRITERIJIMA

Minimalne površine koje će se podsticati, iznose:

- za sjetvu merkatilni kukuruz najmanja sjetvena površina 3 dunuma,
- za sjetvu graha najmanja površina je 1 dunum.

Podsticaj za sjetvu iznosi:

- za sjetvu merkatilni kukuruz najmanja sjetvena površina 3 dunuma, do **80,00 KM** po dunumu,
- za sjetvu graha najmanja površina je 1 dunum, do **80,00 KM** po dunumu.

Ukoliko broj aplikacija na ovaj Javni poziv i visina ukupnih novčanih podsticaja prelazi planirani iznos ovim Pravilnikom od **100.000,00 KM**, nedostajući dio sredstava isplatit će se sa iste stavke budžeta.

Sredstva se raspoređuju za podsticaj proljetne sjetve na području općine Banovići za 2020. godinu u skladu sa ovim Pravilnikom.

Nakon usvajanja Pravilnika od strane općinskog Načelnika, općinski Načelnik će objaviti jedan javni poziv koji će trajati 15. dana od dana objave na Web stranici i i oglasnim pločama općine Banovići, te formirati Komisiju, koja će izvršiti obilazak svih prijavljenih aplikacija na terenu.

Komisija formirana od strane Općinskog Načelnika izvršit će obilaz svi prijavljenih aplikacija na terenu, utvrditi činjenično stanje, te za one poljoprivredne proizvođače koji ispunjavaju propisane kriterije obračunati visinu novčanih podsticaja.

Prijedlog za isplatu dostavlja općinskom Načelniku, koji donosi Odluku o isplati novčanih sredstava.

Ukoliko broj aplikacija na Javni poziv bude veći od planiranog i iznos sredstava nepođan za isplatu veći od **100.000,00 KM** sredstava planiranih ovim Pravilnikom, komisija je nadležana da izvrši proporcionalno umanjeње svih planiranih iznosa po dununu od iznosa planiranim budžetom za planirane stavke.

Isplatu novčanih sredstava na krajnje račune korisnika vršit će Služba za budžet, finansije i

inspekcijske poslove općine Banovići.

Podsticajna sredstva će biti uplaćena na račun korisnika, otvoren kod poslovnih banaka

Nakon prijema i obrade zahtjeva Komisija koju formira općinski Načelnik je dužna predložiti općinskom Načelniku prijedlog za isplatu novčanih sredstava.

IV REALIZACIJA PRAVILNIKA

Nakon usvajanja Pravilnika od strane Općinskog načelnika, isti će se objaviti na web stranici općine Banovići, oglasnoj ploči općine Banovići, Radio Banovićima, te na vidnim mjestima u svakoj mjesnoj zajednici.

Općinski Načelnik će objaviti Javni poziv zajedno sa kriterijima, rokovima i neophodnom dokumentacijom za prijavu na podsticaj.

Po realizaciji Pravilnika, sačiniti će izvještaj o utrošku novčanih sredstava i isti će dostaviti općinskom Načelniku, te objavljen na službenoj web stranici općine.

NAPOMENA: *Svi poljoprivredni proizvođači korisnici ovog javnog poziva dužni su da nakon prikupljanja usjeva nadležnoj Službi prijave prinose koje su ostvarili na zasijanim površinama na broj telefona 035 743 446 ili na email info@banovici.gov.ba.*



OPĆINSKI NAČELNIK

Midhat Husić